

جريدة محاكم

جمعه ایرتسی

نومرو	جاذی الاخر	سنه	کانون اول	سنه	صحیفه
۶۳۲	۹	۱۳۰۹	۲۸	۱۳۰۷	۹۲۲۹

(اشبو غزته بهر هفته جمعه ایرتسی کونلری چیقار . سنه لکی درسعات ایچون عییدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نمخه سی ینه عییدیه یکر می غروش اولمق اوزره یوز پاره یه هر یرده صاتیلور . درج اولنه جق)
 (اعلاناتک هر برندن بر عییدیه اخذ اولنور . سنه لکنه مشتری اولمق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت رسمی

توجهات

ارطغرل بدایت محکمه سی جزا دائره سی ریسی
طیار بکه

ارطغرل بدایت محکمه سی جزا دائره سی ریاستی
محکمه مذکوره مدعی عمومی معاونی عبدالرحمن
ناشد افندی به

ارطغرل بدایت محکمه سی مدعی عمومی
معاونلکی سینوب بدایت محکمه سی باش کاتبی
جواد بکه

هرسه بدایت محکمه سی ریاستی یره بدایت
محکمه سی ریسی صادق افندی به

جبل برکت بدایت محکمه سی جزا دائره سی
ریاستی مرسین بدایت محکمه سی جزا دائره سی
ریسی ناظم افندی به

مرسین بدایت محکمه سی جزا دائره سی ریاستی

یره بدایت محکمه سی ریاستی هر سه بدایت
محکمه سی رئیس عثمان نوری افندی به

کرید استیناف محکمه سی باش مدعی عمومی
ادر نه استیناف مدعی عمومی سبق برنجی صنف
دعوی وکیلان رندن حمدی افندی به

حوران سنجانی مدعی عمومی معاونان
مناسرت استیناف مدعی عمومی سابق نجم الدین
افندی به

سوریه استیناف محکمه سی جزا دائره سی ریاستی
بغداد استیناف محکمه سی جزا دائره سی رئیس
سابق عزتو حافظ افندی به

بنغازی سنجانی بدایت محکمه سی جزا دائره سی
ریاستی اطنه ولایتی بدایت محکمه سی سرمستطقی
نوری بکه تقویض بیورلشدر.

معموره العزیز بدایت محکمه سی مستطقلغه
صارو خان بدایت محکمه سی مستطقی خیرالدین
افندی

صارو خان بدایت محکمه سی مستطقلغه تنکه
بدایت محکمه سی مستطقی سابق اسعد افندی

سلیمانیه بدایت محکمه سی مستطقلغه میلاس
قضای مستطقی معاونی احمد افندی تعیین
اولنمشردر.

قسم غیر رسمی

(اوچیوز طقوز سنه سی محرمک یکر می برنجی)
(کونه مصادف اولان اوچیوز یدی سنه سی)
(اغستوسنک اون اوچنجی صالی کونی اصول)
(محاکمات جزائی قانوننک ایکویوز قرق سکرنجی)
(وایکیوز قرق طقوزنجی وایکیوز اللنجی ماده لری)
(احکامنک اجراسنه ابتدار ایله در سعادت)
(هیئت اتهامیه سنک ۳۱ تموز سنه ۳۰۷ تاریخی)
(مضبوطه سی موجب جبهه اتهام اولنه رقی لاجل المحاکمه)
(محکمه جنایه کوندریلان حسین و محمد واسکندر)
(و دیگر حسین و سرکر و ابراهامک اجرا قلنان)

(محاکمه علنیه لری ضبطنامه سی صورتیدر)

— مابعد —

ماه مر بورك یکر می اوچنجی بازار ایتسی
کونی متمهون مر قومون توقیفخانه دن جلب ایله
هیئت محکمه دن امین افندینک خسته لکنه مبنی
استیناف اعضا سندن طاقوور افندی کتور دیلهرک
هیئت محکمه اکال ایدیلوب محاکمه او طه سنه کلنه رک
متمهلرک وکیللری کرقو مینه جیان و شابوح
افندیلر یانلرنده اولدقلری و مدعی عمومی
معاونلرندن ممدوح بک و مدعی شخصیلرندن
عطیه خانم کوندریلان جلبنامه بی امضا ایلدی
حالده ورود ایتماش و شا کر بک و کیلی محمود
حمدی افندی بالورود حاضر بولندقلری حالده
محاکمه علنیه به بالابتدار هیئت محکمه نک تبدیلی
جهتیه مجرمیت قرارنامه تکراراً او قوتدیرلدی.

بونک اوزرینه معاون مومی الیه ممدوح بک
مجرمیتلری تحت حکمه النالردن اکیلی حسین
وقهوه جی محمد واسکندرک قانون جزانک ایکویوز
یکرهنجی ماده سنه و صراف سرکر و علینک قانون
مر بورك ایکویوز اوتوزنجی ماده سی موجب جبهه
ذکر اوانسان ایکویوز یکرمنجی ماده سنه توفیقاً

تحدید مجازاتلری طلب ایلدی.

مدعی شخصی وکیل حمدی افندی دخی
اولجه محکمه به تقدیم ایلدیکی استدعاده مفرداتی
کوسترلدیکی وجهله مسروق اقچه و اشیانک
موجود ایسه عیناً مستهلک ایسه یکدیگرینک
کفالت متسلسله به ربطیه تضمین ایتدیرلمسی
طلب ایلدی.

مذکور استدا قرائت اولندقدن مالی قبض
ایدیلان اشیان ماعدا اون التي قلم نقود و اشیان
وساثره نک اکیلی حسین و محمد واسکندر و سرکر
وزبیک علیدن موجود اولنارینک عیناً و مستهلک
بولنارنک بدلاً هر برینک کفالت متسلسله صفتیه
تحصیلنه حکم اولنسنی میندر.

وقوعبولان ادعابه قارشو نه دیه جکری متمم
وکیلان رندن صورلدقدن هر ایکسی دخی موکلارینک
سابقه سی اولدیغدن تخفیف جزالری طلب
ایتمکله برابر مومی الیه شابوح افندی مدعی
شخصیلر ایستدکاری وقت دعوا سندن کف ید
ایدرلر ایسده ایستدکاری وقت داخل دعوی
اوله میوب چونکه وکیل حمدی افندی اصول
محاکمه نک تعریفی وجهله اولجه استدعا تقدیم
و مسروقاتی تعداد ایتماش اولدیغدن صفتیک
تعین ایتماش اولدیغی و محکمه ده شمندی به قدر

حقوق عمومی اعتبار به محاکمه جریان ایدوب
قرائت ایدیلان استدعا ایسه موکلنک تجریمندن
صکره ویرلش براسدعا اولدیغندن شایان قبول
اولدیغنی افاده ایلدی .

مدعی شخصی وکیل حمدی افندی دخی
موکلی شاگرد افندی اصول محاکمه نك تعریفی
وجهله عقیب وقوعاده پولیس مرکزیه مراجعت
ایدرك مشتکی اولدیغنی سویلدیکی مثلواوراق
میاننده بولنان متعدد استدعایله مدعی شخصی
اولدیغنی تعیین ایله ادعاسنی درمیان ایتش اولدیغندن
شابوح افدینك بو اعتراضی غیر وارد اولدیغنی
وخصوصیله موکلنک استنطاقنامه دهکی افاده سنده
اشیای مسروقه سنی تمامیه تفصیل وتعداد ایتش
وبوکی جرایم مشترکه ومرتبطة ده جله سنك مسؤل
اوله جقلری درکار بولنمش اولدیغندن بناءً علیه
یکدیگرینك کفالت متسلسله لرینی طلب ایتدیکنی
بیان ایلدی .

بونك اوزرینه مومی الیه شابوح افندی
استدعایله تجریمندن صکره ویرلدیکی جهته شایان
اعتبار اولدیغنی کی اشیای مسروقه حقدن دخی
محکمه جه بر حکم اولیوب یالکز مذکور خانه دن
سرق ووقوع بولدیغنی ثابت و بناءً علیه اموال
مسروقه نك اثبات ایدلسی لازم ایدوکنی

افاده ایلدی .

مومی الیه حمدی افندی دخی استدعایله
بیان ایتدکاری اشیا نك کافه سنك سرق ایدلیدی
مثبت اولدیغنی بیان ایلدی .

مومی الیه شابوح افندی دخی قانوناً مدعی
عمومینك تجریم ادعاسندن صکره حقوق شخصی
ادعاسی درمیان ایدلسی مقتضی اولوب ومتهملردن
برینك حقوق شخصی حقدن کی اقراری دیگرینه
سرایت ایدمه جکینی و بناءً علیه هر حاله حقوق
شخصیه جهتنك اثبات ایدلسی لازم ایدوکنی
افاده ایتدی .

بونك اوزرینه معاون مومی الیه ممدوح بك
حمدی افدینك مدعی شخصی اولدیغنی تعیین
ایتش ومتهملرك دخی موکلنك خانه سندن سرق
ایتدکاری تحت اعترافلرند بولنمش اولدیغندن
بوابده برقرار اعطاسنی مطالعة درمیان ایتمکله
مذاکره اوطه سنه کلندی .

اعضادن امین افدینك کیفسزلکنه مبنی
اعضادن طاوور افندی ایله اکال ایدیلان هیئت
حاکمه حضورنده مجریمت قراری بعدالقرائه
اولجه طرفینك تعیین جزا حقدن کی ادعا ومدافعه
واخیراً مدعی شخصی وکیلنك حقوق شخصی
دعواسی استماع اوله رق مدافعلر طرفندن صفت

حقدن وقوع بولان اعتراض اوزرینه ایجاب کیفیت
لدی المذاکره شاگرد افدینك مدعی شخصی
صفتی حائر اولدیغنه متفقاً قرار ویرلدی .

هیئت محکمه محاکمه اوطه سنه عودتله مقام
ریاستندن ویرلش اولان قرار طرفینه تفهیم
اولدقدن صکره مدعی شخصی وکیل حمدی افدیندن
متهملرك تحت اعترافلرند اولان مسروقاتدن بشقه
موجود اولیان اشیا نی نه وجهله اثبات ایدمه جکی
صورلدقده جریان ایدن محاکمه دن حاصل اولان
احوال اثباته کافی دکل ایسه آروجه محکمه
مخصوصه سنده اقامه دعوی ایدمه جکینی سویلدی .

مومی الیه شابوح افندی دخی اشیا ی مسروقه
بو محکمه ده اثبات ایدلمکجه آروجه اقامه دعوی
ایدلمه میه جکینی سویلدی .

بونك اوزرینه مقام ریاستندن بشقه بر
دیه جکلری اولوب اولدیغنی طرفیندن لدی
السؤال بر دیه جکلری اولدیغنی سویلملریله
کرك تعیین جزا وکرك حقوق شخصی محاکمتنك
دخی ختام بولدیغنی تفهیم اوله رق مذاکره
اوطه سنه عودت اولدی .

طرفینك تعیین وتخفیف جزا وحقوق شخصی
حقدن کی ادعا ومدافعلرینك استماعندن صکره

ایجاب کیفیت مذاکره اولدقدن فعل سرقندن
طولانی مجرم بولنان اکیلی حسین وقهوه جی محمد
واسکندرک حرکنلری جزا قانوننامه هایوننك
ایکیوز یکرمنجی ماده سنه موافق اولدیغنه وماده
مذکوره ده دخی هر تقدیر انسان اقامت ایدر محل
اولسه ویاخود مسکون محله متعلق بولنمسه بیه
قبالی و دیوار ایله محدود اولان محللرك دیواری
دلهرک ویا زردبان ایله آشهرق ویاخود الت
مخصوصه استعمالیله قیوسنی اچهرق خر سرق
ایدنلر موقتاً کورکه قونیلور دیوحرر بولندیغنه
مبنی بوماده حکمه توفیقاً بولنلر اکیلی حسین
واسکندرک ابتدای توقیفلری اولان اوچوز سکر سنی
رمضاننك یکریمی دردنجی وقهوه جی محمدک شهر
مذکورک یکریمی طقوزنجی کونلرندن اعتباراً
اکیلی حسین وقهوه جی محمدک اوچر واسکندرک
عطیه خانمک خانه سندن سرقته جرأتی سبب شدت
جزائیله اوله رق اوچ یحق سنه مدتلرله کورکه
قونلملرینه متفقاً ویتاق سرکرز ایله زیبک علی به
کلنجه بولنلرند فعل سرقنک نوع ودرجه سنی یعنی
افعال جنائیهدن اولدیغنی بیلملری مشروط اولوب
حالبوکه بوجهتلری بیلدکاری اکلاشیله مدینی
وحسین واسکندر و محمدک حال و صفتلرینی
بیلملری ایسه احوال ذاتیه وصفات سارقیتلرینی

بيلمككن عبارت قاهره جرمك صورت ايقاع
وارتكاينى ونوع درجائى بيلمك ديمك اوله ميه جنى
جهتله مرقومان سرگز وزيبك عليك جنجه
درجه سنده تعين جزالرى قواعد اساسيه جزائيه دن
اولم سنده مبنى مرقوماتك دخى فعل وحركتلى
قانون مزبورك ايكوز اوتوزنجى ماده سنك
علاوه سى موجبنجه ايكوز يكرى ايكنجى ماده سى
حكمنه موافق اولديغنه و علاوه مذكوره ده دخى
كورك جزاسنه مستحق اولان سارقله حال
وصفلىرى بيلهرك يتاقلق و معاونت ايدنلر موقفاً
كوركه قونيلورلر و حبس جزاسنه مستحق اولان
سارقله كذاك بيلهرك يتاقلق و معاونت ايدنلر
يتاقلق ايلديكى سارقك مستحق اوله جنى جزاك
نوعيله مجازات اولنور و ايكوز يكرى ايكنجى
ماده ده دخى زيرده تعداد اولنان احوالدين بيله
ارتكاب سرق ايدن شخص التى ايدن اوچ سنيه
قدر حبس اولنور احوال مذكوره نك برنجيسى
كيجه وقتى اولق و ايكي و ياخود ده ازيدده اشخاص
برلكده بولمق و يا بوايكي كيفتلك يالكر بريسى
اولوب فقط آدم اوتورر برمحله و يا معابده
اولمقدر ايكنجيسى ماده سرق كوندوز و ياخود
شخص واحد طرفدن وقوع بولسه و محل سرق
آدم اوتورر محل اولمسه بيله سارق اولان شخصك

خفى يا حلى مسلح بولم سيدر اوچنجيسى بر شخص
موظف خدمتكار اولوبده خدمت ايتديكى
افدينك ياخود افدينك خايسنه كلس اولان
كيسه نك ياخود افديسيه بالرفاقه كتمش اولدينى
خانه صاحبك مالى سرق ايلمك و ياخود
خرسزلق ايدن كيسه عمله و يا اصناف شاكردى
اولوب اوسته نك خانه و دكان و مغازه سنده و ياخود
بر شخص مستمرأ چالشدنى بر محله خرسزلق
ايلمك دردمجيسى خانجى و لوقاطه جى و عربى جى
وقايى و امثالى اصناف و ياخود بولرك آدملى
كندولر ينه توديع اولنان اشياك هيسنى و يا
بر مقدارينى سرق ايلمك ديو محرر بولديغنه
مبنى علاوه و ماده مذكوره احكامنه توفيقاً صرف
سرگزك ابتدائى توقى اولان اوچوز سكر سنيه سى
رمضانك يكرى طقوزنجى كوندن وزيبك عليك
طوتيله جنى تاريخدن اعتباراً التيشر ماه مدتله
حبسلىر ينه اكثريت ثلثان آرايله و حقوق شخصيه يه
كانجه سارقلك تحت اعترافلرند اولان نقود
و تحويلات و اشياك موجودايسه عينا استردادينه
و مستهلك ايسه مرقومون حسين و محمد و اسكندر
يكديكرينه كفيل بالمال طوتلملى صورتيله بولردن
تحصيله و يتاق سرگزك حسين و اسكندر اصافله
و جاهاً وزيبك عليك قابل اعتراض اولق اوزره

غياياً مسؤولين ينه متفقاً قرار و يرلدى .

يوم مذكوره هيت محكمه محاكمه او طه سنه
عودتله جانب رياستدن متن قانون اوقونه رق
اصول محاكمات جزائيه قانونك اوچوز بشنجى
ماده سى موجبنجه مرقومونه نصح پند ايديلوب
صبر متانت ايلملى و حكم واقع ايجون برديه جكرلى
اولور ايسه محكمه تميزه بالايجه مراجعت ايتلى
تفهيم ايدلى .

- (بىك اوچوز طقوز سنيه سى صفرينك طقوزنجى)
- (كونه مصادف اولان بىك اوچوز يدى)
- (سنيه سى اغستوسك اوتوز برنجى صالى كوفى)
- (اصول محاكمات جزائيه قانونك ايكوز قرق)
- (سكرنجى و ايكوز قرق طقوزنجى و ايكوز)
- (الايجى ماده لرند مندرج معاملات ابتدائيه)
- (اجراسنه ابتدار ايله هيت اتهاميه دن تنظيم)
- (قانسا فى ۱۰ اغستوس سنيه ۳۰۷ تاريخلى)
- (مضبطه موجبنجه اتهام اولنهرق لاجل المحاكمه)
- (محكمه جنايته اعزام قلنان كرياتو ولد قسطنطينك)

(اجرا قلنان محاكمه عليه سى ضبطنامه سى)

(صور تيدر)

بىك اوچوز طقوز سنيه سى صفرينك طقوزنجى
كونه مصادف اولان بىك اوچوز يدى سنيه سى
اغستوسك اوتوز برنجى صالى كوفى اصول محاكمات
جزائيه قانونك ايكوز قرق سكرنجى و ايكوز
قرق طقوزنجى و ايكوز الايجى ماده لرند مندرج
معاملات ابتدائيه اجراسنه ابتدار ايله هيت
اتهاميه دن تنظيم قلنان فى ۱۰ اغستوس سنيه ۳۰۷
تاريخلى مضبطه موجبنجه اتهام اولنهرق لاجل المحاكمه
محكمه جنايته اعزام قلنان كرياتو ولد قسطنطين
توقيف خانه دن كتورديلهرك استيجواب اولندقدده
يكرى طقوز باشنده اولوب قهوه جيك ايتكله
سر كه جیده محموديه خانه اقامت ايتديكى و تبليغ
ايديلان مضبطه اتهاميه و اتهامنامه صورتلرند
كوستردىكي وجهله اسناد ايديلان بر سرق
ماده سندن طولاني ايكي بيقق ماهدينرو موقوف
بولديغنى و مدافعه سنده معاونت ايدجك و كيلي
اولديغنى سويلمككه محكمه نرند بولنان دعوى
و كيللرندن شايوح افدى جانب محكمه دن مرقومه
و كيل تعين اولنهرق و قانون مزبورك ادعاى
مفسوخيت حقنده اولان ايكوز الايجى برنجى ماده سى

مندرجاتی بعد الاخطار او ابابده طوتیلان ضبط
ورقه سی مرقومك مواجه سنده لدی القرائه تحت
امضایه الديرلدى .

ادعای مفسوخیت ایچون معین اولان مدت
قانونیه منقضیه اولغله مرقوم کریاقونك اجرای
محاکمه سی اوچیز یدی سنه سی تشرین اولنك برنجی
صالی کوننه قرارلشدیرلدى .

یوم مذکورده متهم کریاقو قانون دائره سنده
توقیف خانه دن کتوردیلرک و کیلی شابوح افندی
یاننده اولدینی ومدعی عمومی معاونلرندن مدوح
بك ایله مدعی شخصی کورجی یاسف حاضر
بولندقلری خالده علناً اجرای محاکمه یه باشلایلر
مرقوم کریاقو طرف ریاستدن استیجواب اولندقدده
استانلی ویکرمی طقوز یاشنده اولوب مقدمه
قهوه چیلک ایدرک سرکه جی اسکله سنده اقامت
ایلمکده اولدینی سو یلمکله کندوسنه وکیل
مومی الیه اصول محاکمات جزایه قانونك ایکوز
التمش دردنجی و ایکوز التمش بشنجی ماده لری
مدلولاتی اخطار اولندقدن صکره اتهام مضبطه سیله
اتهامنامه ضبط کاتبی عزمی بکه اوقوتدیرلدى .

ذکر اولنان مضبطه نك مالی مرقوم کریاقونك
خاصکویده پیری پاشاده خبره خانه جاده سنده کائن

یاسفك خانه سندن او طه قپوسنك اصمه کلیدینی
قیره رق فعل سرقته مجاسرتله فرار ایدرکن
دردست ایدلدیکی اخبارات واقعه ایله مرتبه ثبوت
وارمش و حرکتی قانون جزانك ایکوز یکرمنجی
ماده سی حکمنی مستلزم افعال جنایتیه دن بولنمش
اولدیفندن جنایتله اتهام اولدینی و اتهامنامه نك
مؤداسی دخی مضبطه مذکورده عزایمی و چهله
مرقومك متهم بولندینی بیاندن عبارتدر

اتهامنامه نك خلاصه سی جانب ریاستندن
متهم مرقومه تفهیم و معاون مومی الیه طرفندن
دخی مابه الاتهامی اولان اسباب تفصیل و تشریح
اولندقدن صکره مرقوم سولتدیرلکده کندوسنه
برایش بوله بیله جکی وعد ایتش اولان طانیدینی
برشخصی کورمك اوزره وقعه کونی خاصکویه
کچرک شخص مرقومی ار امش ایسه ده بوله میوب
کچ وقته قدر تحریاته دوام ایله پیری پاشا جهتندن
کچمکده ایکن برکورتی ایشیده رک بوصرده
دردست ایدلش اولدینی مضبوط افاده سی و چهله
بالیان انکار تهمت ایلدی

خاصکوی مرکزینك ۱۶ حیران سنه ۳۰۷
تاریخی اساس ژورنالیه مرقوم کریاقونك
سابقه سنه واحوال خصوصیه سنه دائر اولان
۲۶ مایس سنه ۳۰۷ تاریخی دیگر ژورنال

و مریوطی ۲۷ مایس سنه ۳۰۷ تاریخی و کریاقو
ولد قسطی امضالی سند قرائت ایتدیرلکده
بولنردن اساس ژورنالی مندرجاتی وقعه کیجه سی
ساعت اوچ رراده لرنده کریاقونك فرار ایتمکده
واهای طرفندن تعقیب اولنمقده ایدوکنی پولیس
افرادندن محمد خلوصی افندی کوروب دردست
ایدرك مرکز کتوردیکنی ولدی التجرى
اوزرندن برکاغد فنارایله موم پارچه سی و برقوطی
بریت و برکوچك اختار ظهور ایتدیکنی
وبوصرده کورجی یاسف دخی مراجعتله
کندوسی خانه سنده بولنمدینی برزمانده مرقوم
کریاقونك بالدخول او طه قپوسنك اصمه کلیدینی
قیره رق زنه یه مخصوص برکورك ایله بریانطلون
و برچوجق چا کتی سرقت ایتمکده ایکن
کندوسی خانه سنه ورود ایتمکله مرقوم سرقت
ایتدیکنی مذکور اشیا بوغچه دروننده اوله رق
قولتوغنده بولندینی خالده پنچره دن اتلاوبوب
فرار ایدرك مذکور بوغچه یی سناغونك ارقه
طرفنده ترك ایتدیکنی افاده ایتش ولدی .
الاستیجواب مرقوم کریاقو دخی انکار کیفیت
ایلش اولدینی و مرقوم یاسفك خانه سنده
پولیس افرادندن رضا افندی معرفتیه معاینه
ایتدیرلکده او طه قپوسنكده اصمه کلیدك

قیریلهرق یره دوشمش اولدینی وزقاق قپوسی
ایچق ایدوکنسندن درون خانه یه اورادن کیرلش
بولندینی اکلاشلدینی و دیگر ژورنالی مالی دخی
مرقوم کریاقونك غضب و تشهیر سلاح ماده سندن
طولانی اوچ سنه محکومیت سابقه سی بولندینی
حبس خانه عمومی مدیریتك درکنارندن
اکلاشلش وضابطه جه مظنه سوء طاقندن
بولنمش اولدینی و سندن مندرجاتی دخی بعدما
ضابطه نك سوء ظنی دعوت ایده جك حال و حرج
کتده بوانمیه جغنی و صورت مشروعه ده معیشتك
تأمینی ضمننده مشغول اوله جغنی میندر

قرائت ایدیلان ژورنالرایله سند مندرجاتنه
نده جکی متهم کریاقودن صورلدقدده اولجه افاده
ایتدیکنی و چهله فعل مدعا بهده مدخلی بولنمدینی
و محکومیت سابقه سی دخی اولیوب ژورناللری
ایستدکلری صورته تنظیم ایتش اولدقلرینی
وسنده کلنجه زیرنده کی امضا خط دستی ایسه ده
مذکور ورقه برده بک اوغلنه کچمامك اوزره
یازلش و کندوسنه امضا ایتدیرلش اولدینی
بیان ایتمکله محکومین سابقه سی حبس خانه عمومی
مدیتك درکنارندن اکلاشلدینی کوسترلمکده
اولوب بوجهت تحقیق ایدلدیکی وقیداً ثابت

اولدینی تقدیرده نه دیه جکی تکرار جانب ریاستدن
استفسار اولدوقده افاده سابقه سنده اصرار
ایلدی

مدعی عمومیک طرفندن ویریلان شهود
پوصله سنده اسامیسی محرر اولوب دعوت واقعه
اوزرینه ورود ایتش اولان استانه لی خاصکویده
پیری پاشاده مقیم حال اورام اوغلی سیطای
واستانه لی محل مذکورده ساکن اسکچی میسون
اوغلی داوید و کذلک استانه لی پیری پاشا
ساکنلردن بالقچی یاقو اوغلی نسیم و خاصکوی
مرکزنده مستخدم پولیس افرادندن نیکه لی
محمد خلوصی افندی بن حاجی احمد نام شهودک
طرفینه قرابت و مناسبتلری اولدینی لدی السؤل
ا کلاشلقدن صکره اصول محاکات جزائیة
قانونک ایکوز التمش سکرنجی ماده سنه توفیقاً
بعدالتحلیف منفرداً و مواجۀه استماع اولدوقلرنده
بونلردن سبطای بوندن اوچ یچق ای اول بر بازار
کیجه سی ساعت ایکی یچق راده لرنده پیری
پاشاده اسکله یاشنده کی قهوه خانه دن خانه سنه
کلیکده ایکن مدعی شخصی یاسفه تصادف ایدوب
مرقوم قوم مشوده بولنان زجه سندن اختاری
الهرق خانه سنه کتمش و کندوسی دخی قومشو -
سیله پنجره دن قونشمقده بولنمش اولدینی صروده

یاسفک خانه سنک پنجره سندن بر شخضک اتلایوب
فرار ایتدیکنی کوردیکنی و یاسفک خرسزدر
طوتک دیه فریاد ایتسی اوزرینه شخص مرقومک
اهالی طرفندن بالتعقیب مرکزک یاننده دردست
ایدلیکنی ایشتمش ایسه ده عارضه وجودیه سنه
مبنی کندوسی تعقیب ایده مدیکندن حین
دردستنده حاضر بولنه مدینی کی یوزنی کوره -
مدیکی جهته تعیین شخص ایده میه جکنی و داوید
دخی زمان وقعده مدعی شخص یاسفک خانه سی
یاننده طور مقده ایکن پنجره دن اتلایان بر شخضک
قالقوب بحافلری ارسنده بولنان بوغچه یی الهرق
فرار ایتدیکنی بالمشاهده یاسفک خرسزدر
طوتک دیه باغردینی ایشتمکله اهالی سازه ایله
برابر مرقومی تعقیب ایتش اولدوقلربی و بوانشاده
ایاغنه ایلشش بر شیک با نطلون اولدینی اکلایه رق
الوب نهایت شخص مرقوم یدنده کی بوغچه یی
سناغونک ارقه طرفنده ترک ایتش اولدینی حالده
مرکزک یاننده و تونبا کوچی دکانی اوکنده پولیس
جانبندن دردست ایدمش اولدینی و فقط یوزنی کوره
ماش اولدینی جهته تشخص ایده میه جکنی بیان
ایتمکله لدی المراجعة مضبوط افاده سنده فرارینک
اهالی طرفندن طوتلدینی سوبلش ایدوکی
ا کلاشیله رق بوجهته نه دیه جکی و وکیل مومی

الیهک طلبی اوزرینه فرار ایدن شخص طانیه -
مدینی بیان ایتکده اولدیفندن طوتیلان ادمک
تعقیب ایتدیکنی شخص اولدینی نصورتله
ا کلایه بیلدیکی شاهد مرقوم ایددن و کندوسنک
کیملر طرفندن وزده دردست ایدمش اولدینی
دخی متهم کریاقودن صورلدقده بونلردن مرقوم
داوید شخص مرقومک هیچ ارقه سی براغلمه قسزین
تعقیب ایدمش اولدیفندن طوتیلان ادمک
پنجره دن اتلایه رق فرار ایدن و سناغونک ارقه
طرفنده بوغچه یی ترک ایتش اولان شخص
اولدینی شبیه دن عاری بولنمدینی و مرقوم
تونبا کوچی دکانک اوکنه حین وصولنده اهالی
طرفندن ابوقه ایدمش اولدیفندن بوانشاده
ووود ایدن پولیس معرفیه دردست ایدلیکنی
و متهم کریاقو دخی مذکور تونبا کوچی دکانی
اوکنده ایشتیکی کورلینک سینی ا کلامق اوزره
کتدیکنده بهودیلر طرفندن طوتیله رق ضرب
اولدینی و دیگر شاهد نسیم دخی وقعه کیجه سی
ساعت ایکی یچق اوچ راده لرنده مدعی شخصی
یاسفک خانه سنه قریب بر قهوه خانه ده اوطور مقده
ایکن ایشتیکی کورلای اوزرینه چیقوب باقدیفنده
مرقوم یاسفک طوتک دیه فریاد ایدرک قوشمقده
اولدینی و سناغونک ارقه طرفه براغلمش اولان

مابعدی وار

اعلان

سلوری قضاسنه تابع قورفاللی قریه سی جوارنده
مرور ایدن شمندوفر یولنده بکچیلک ایتمکده
ایکن بر ضرب ماده سندن طولای مذنون علیه
اولان کورت اسماعیل اونباشیله رفیق دیگر کورت
اسماعیلک لدی التحری بولنه ماملرینه و معلوم بر
اقامتگاهلری دخی اولدیغنه بناء حقلرنده صادر
اولان دعوتنامه لر سلوری بدایت محکمه سی
دیوانخانه سنه تعلیق قلنمش و مرقومانک اجابتلریچون
حلول ایده جک شهر شباطک اون یدنجی بازار ایتسی
کونی ساعت یدی به محاکمه لری تعیین ایدلمش
اولدیغندن یوم وساعت مذ کورده کلوب اثبات
وجود ایتدکلی حالده اصول محاکمه حقوقیه
قانوننک یکر می التنجی ماده سی حکمنه توفیقاً حقلرنده
حکم غیابی اعطا ایدیله جکی اعلان قنور .

فی ۲۳ کانون اول سنه ۳۰۷

سلوری به تابع ایازمه بقیچه سنده ساکن بر
ضرب ماده سندن طولای مذنون علیه اولان یانی
اوغلی خرستو حقتده صادر اولان جلبنامه زیرینه
مرقومک غیوبت ایتدیکی و معلوم بر اقامتگاه
دخی اولدیغنی بقیچه مذ کورده بولنانلر طرفلرندن
اشارت ایدلمش و مذ کور جلبنامه رأی محکمه
امر یله محکمه دیوانخانه سنه تعلیق قلنهرق اجرای
محاکمه لری حلول ایده جک شهر شباطک یکر منجی
پنجشنبه کونی ساعت یدی به قرارلشدیرلمش
اولدیغندن مظنون علیه مرقوم حریرسطو یوم
وساعت مذ کورده کلوب اثبات وجود ایتدیکی
حالده اصول محاکمه حقوقیه قانوننک یکر می التنجی
ماده سی حکمنه توفیقاً حقتده غیاباً حکم اعطا
قلنه جفی اعلان قنور .

فی ۲۳ کانون اول سنه ۳۰۷

بر ضرب ماده سندن طولای مذنون علیه
اولوبده وادی فرارده بولنملرینه مبنی حقلرنده
غیاباً اجرای تحقیقات ایدیلان کوجه قبیطی
طاشه سندن نوری وانکلی و خرستو و سوتیری
نامون اشخاصک اجرای محاکمه لری حلول ایده جک

مراجعت ایلملری اعلان اولنور .

فی ۱۷ کانون اول سنه ۳۰۸

شاب قریه سندن عبدالوهاب اغا ایله کفیلی
قوجه علی اغانک دیون معلومه سندن طولای خزیننه
جلیله نامنه قریه مذ کور حدودی داخلنده پدرلری
نامنه مقید قره اخلاط موقعده طرفلری مصطفی
وطریق وینه مصطفی ایله محدود التی دونم ایکی
اولک برقطعه ترلا التیوز وینه قریه مذ کور
حدودنده طرفلری مصطفی و طریق وکندی ایله
محدود برقطعه ترلا سکسان غروش که جمعا التیوز
سکسان غروشه تقدیر قیمت ایتدیرلمش اولمغله
تاریخ اعلانندن اعتباراً اوتوز برکون طرفنده یوزده
بشله ضمه طالب اولنلرک ایواجق اجراء اثره سیله
نزدنده کی منادی به مراجعت ایلملری اعلان
اولنور .

فی ۱۷ کانون اول سنه ۳۰۷

کولاهلی قریه سندن عارف اوغلی مصطفی
افندیکنک دیون معلومه سندن طولای خزیننه جلیله

شهر شباطک اون یدنجی بازار ایتسی کونی ساعت
یدی به قرارلشدیرلمش اولدیغندن مرقومونک
یوم وساعت مذ کورده سلوری بدایت محکمه سی
جزا قسمنده اثبات وجود ایتدکلی حالده اصول
محاکمات حقوقیه قانوننک یکر می التنجی ماده سی
موجبجه حقلرنده غیاباً حکم اعطا ایدیله جکی
اعلان قنور .

فی ۲۳ کانون اول سنه ۳۰۷

نارلی قریه سندن علی افندیکنک دیون معلومه سندن
طولای ایکی بیک غروشه باغرا ایچی موقعده
طرفلری محمد و محمود و ابراهیم ایله اوچ دونم بر
قطعه بقیچه سی ویدی بیک غروشه ایلدجاق موقعده
طرفلری مصطفی و پنا یوط و دیمتری ملکریله محدود
اون ییچ دونم برقطعه واون بش بیک غروشه
بالی طامی دیمکله معروف عثمان افندی و یول ویناقو
واینجه قاش یتیملری ملکریله محدود بر قطعه که
جمعا اوچ قطعه بقیچه سی یکر می درت بیک غروشه
خزیننه جلیله نامنه تقدیر قیمت ایتدیرلمش اولمغله
تاریخ اعلانندن اعتباراً یوزده بشله ضمه طالب
اولنلرک ایواجق اجراء اثره سیله نزدنده کی منادی به

بيك ايكوز غروشه تقدير قيمت اولنان قرية
مذكوره دروننده طرف رابعی حالی ایله محدود
باغ تعصیرینه مخصوص برباب منكنه به تاريخ
اعلانن اوتوز بركون ظرفنده يوزده بشله ضمه
طالب اوللرك ايواجق اجرا دائره سیله نزدنده کی
منادی به مراجعت ایلملری اعلان اولنور .

فی ۱۷ کانون اول سنه ۳۰۷

اطه تپه قریه سنده مقیم نیقوله اوغلی استریتک
دیون معلومه سندن طولانی خزینة جلیله نامنه
التي بيك بشيوز غروشه تقدير قيمت اولنان قرية
مذكور حدودنده صاری قبا دیمکله عریف طریق
و کریازی اوغلی یورکی و دره ایله محدود سکر
دوئم اوچ اولک یوز یکرمی ساق زیتون اشجارینی
مشمعل برقطعه زیتون بغچه سنه تاریخ اعلانن
اوتوز بركون ظرفنده يوزده بشله ضمه طالب
اوللرك ايواجق اجرا دائره سیله نزدنده کی منادی به
مراجعت ایلملری اعلان اولنور .

فی ۱۷ کانون اول سنه ۳۰۷

چتمه صغیر قریه سنده مقیم حاجی صاوه اوغلی

میخالک خزینة جلیله نامنه یدی بيك غروشه تقدير
قیمت اولنان قرية مذکور حدودده همت چشمه سی
موقعنده طرفلری قبود اوغلی آرسی و مصطفی و یول
وخلیل ایله محدود اوچ بيك کسور کروم باغیله یوز
ساق زیتون اون ایکی ساق امروط و یدی ساق
یش اغاجنی مشتمل برقطعه باغه تاریخ اعلانن
اعتباراً اوتوز بركون ظرفنده يوزده بشله ضمه
طالب اوللرك ايواجق اجرا دائره سیله نزدنده کی
منادی به مراجعت ایلملری اعلان اولنور .

فی ۱۷ کانون اول سنه ۳۰۷

ازینه نك ییلاجق قریه سندن حاجی حافظ محمد
افندینك دیون معلومه سندن طولانی خزینة جلیله
نامنه اوچ بيك غروشه تقدير قيمت اولنان كوسه
دره قریه سی حدودنده نصوح اوغلی چشمه سی نام
محلده دره و اسماعیل و شاکر و عزیز ترلر ایله
محدود تخمیناً یتش درت دوئم پلاموط ترلاسنه
تاریخ اعلانن اوتوز بركون ظرفنده يوزده بشله
ضمه طالب اوللرك ايواجق اجرا دائره سیله
نزدنده کی منادی به مراجعت ایلملری اعلان
اولنور .

فی ۱۷ کانون اول سنه ۳۰۷

شاب قریه سندن نی اوغلی علی انالک دیون
معلومه سندن طولانی قریه مذکور حدودنده
طرفلری طاهر افندی و عمر افندی و محمد ایله محدود
اون دوئم برقطعه پلاموطانک نصف حصه سی
اوچ بيك واوزون حویلی موقعنده طرفلری طریق
وحاجی حسین وخلیل ایله محدود تخمیناً اون ایکی
دوئم برقطعه ترلا یوز الی و طویانق موقعنده
طرفلری حلیل ابراهیم و دره ایله محدود اون ایکی
دوئم برقطعه ترلانک نصفی التي یوزاللی و قوالفال
قریه سنده طامناجه موقعنده طرفلری دره و مصطفی
وخلیل اغا ایله محدود برقطعه پلاموطلق التي یوز
غروش که جمعا درت بيك درتیوز غروش مقابلنده
خزینة جلیله نامنه تقدير قيمت استیرلمش اولغله
تاریخ اعلانن اعتباراً اوتوز بركون ظرفنده يوزده
بشله ضمه طالب اوللرك ايواجق بدایت محکمه سی
اجرا دائره سیله نزدنده کی منادی به مراجعت ایلملری
اعلان اولنور .

فی ۱۷ کانون اول سنه ۳۰۷

نارلی قریه سندن جزایرلی زاده ابراهیم اغا
دیون معلومه سندن طولانی قریه مذکور حدوددی
داخلنده برطرفی یول و طرفینی پاپاسلقلی حاجی
اسماعیل ملکله محدود برباب دکانی ایکی بيك

وینه قریه ایچی موقعنده اسماعیل و طرفینی یول ایله
محدود بردوئم برقطعه بغچه سی بشیوز وینه قریه
مرقومه حدودنده ملهم بغچه سی دیمکله معروف
طرفلری عثمان افندی و صاغر و قصاب اوغلی محمد
یتیملری ایله محدود یتش ساق زیتون اشجارینی
مشمعل ایکی بیچ دوئم زیتون بغچه سی ایله بیرامیجک
قزیل کوی اهالیسندن حاجی حسین اغازاده حسین اغا
ترلاسنده بش ساق زیتون اشجاری اون اوچ بيك
و نارلق موقعنده طرفلری محمد و بربر خلیل ووقف
شاهانه ایله محدود دروننده الی بش ساق زیتون
اشجارینی مشتمل یدی بیچ دوئم برقطعه زیتون
بغچه سی التي بيك غروش که جمعا یکرمی بر بیك
غروشه خزینة جلیله نامنه تقدير قيمت استیرلمش
اولغله تاریخ اعلانن اعتباراً اوتوز بركون
ظرفنده ايواجق اجرا دائره سیله نزدنده کی منادی به
مراجعت ایلملری اعلان اولنور .

فی ۱۷ کانون اول سنه ۳۰۷

بابا قلعه قریه سندن علی افندینك دیون
معلومه سندن طولانی قریه مذکور حدودنده بیکی
باغلر موقعنده طرفلری ملازم محمد و یول و دکر منجی
محمد امین زوجیه سی فاطمه و احمد رئیس اوغلی حسین
ایله محدود برقطعه باغ اکیوز الی و کولاھلی

قریه سی حدودنده واوردویانی موقعنده طرفلری
مصطفی وجمفرچاوش وپوزاحمد ملکریله محدود
یدی بچق دونم برقطعه ترلا بیک واوه کنساری
موقعنده طرفلری لازاوغلی عبده وپول ومرعه
ایله محدود برقطعه التی دونم براولک ترلا درتیوز
وآندیق اینی موقعنده طرفلری بابالی خلیسل اغا
اوغلی حسن اغا و سلیم و محمد ایله محدود برقطعه
بردونم ترلا یوز و قروم قیالاتی موقعنده طرفلری
دره و امین مصطفی ایله محدود برقطعه اون بش
بچق دونم دروننده اون التی ساق زیتون و اوچ
یوز ساق آشلاق اشجارینی حاوی برقطعه زیتون
بغچه سی اوچ بیک بشیوز و طوزله قریه سی
حدودنده اسکی چایر موقعنده طرفلری پول و کوسه
دره لی ضبطیه اسماعیل و کولاهلی ملا ابراهیم
واحد ایله محدود برقطعه اون التی بچق برقطعه
ترلا بیک غروش که جمعاً التی بیک ایکوز الی
غروشده خزینة جلیله نامنه تقدیر قیمت ایتدیرلش
اولغله تاریخ اعلانندن اعتباراً اوتوز برکون
ظرفنده ایواجق اجرا دأثره سیله نزدنده کی منادی به
مراجعت ایلملری اعلان اولنور .

فی ۷ کانون اول سنه ۳۰۷

بغچه قپوسنده شابجی خاننده ۳۲ نومرولی
اوطه ده ساکن تبعه دولت علیه دن نیسکده لی
دیوستنی پتیدیسیک تحت القلعه ده مفتی خاننده
ساکن ایکن بوکره اقامتگاه کی مجهول ایدر کی خبر
ویریلان تبعه دولت علیه دن نیقوله واسیلیادی
علیهنه در سعادت محکمه تجارتی ایکنجی مجلسنده
اوچ قطعه محرر سند موجبجه اقامه ایلدیکی بمش
لیرا مطالبات دعواسنک اشوبیک اوچپوز یدی
سنه سی کانون نائینسک یکرمنجی بازار ایرتسی کونی
ساعت یدیده محکمه مذکوره ده فصل ورؤیت
اولنه جفندن یوم ووقت مذکوره مرقوم نیقوله
واسیلیادیس بالذات حاضر بولنمسی و باخود مصدق
سندله بروکیل کوندرمسی لازم کله جکندن و شاید
کمز و طرفندن وکیل دخی کوندرمنز ایسه حقنده
معامله قانونیه نک اجر اولنه جفی معلوم اولق اوزره
تنظیم اولنان دعوتیه ورقه سی محکمه دیوانخانه سنه
تعلیق اولندیکی کبی غزتله واسطه سیله دخی اعلان
کیفته ابتدار قلندی

فی ۱ جمادی الاخر سنه ۳۰۹

وفی ۲۸ کانون اول سنه ۳۰۷